



Broj: 08-03-11-26454-1/22 NK  
Sarajevo, 14.07.2022. godine

**Predmet:** Obavijest o Budžetskim instrukcijama br.2. Izrada zahtjeva za dodjelu sredstava iz Budžeta Kantona Sarajevo za 2023. godinu

Na osnovu člana 19. Zakona o budžetima u Federaciji BiH („Službene novine FBiH“, br.: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), Ministarstvo finansija Kantona Sarajevo budžetskim korisnicima dostavlja Instrukcije broj 2. Izrada zahtjeva za dodjelu sredstava iz Budžeta Kantona Sarajevo za 2023. godinu. Na web stranici Ministarstva finansija Kantona Sarajevo <http://mf.ks.gov.ba/> pod nazivom „Dokumentacija za izradu Budžeta 2023“ preuzima se dokumentacija za izradu budžetskog zahtjeva. Navedena dokumentacija sadrži:

1. Budžetske instrukcije br. 2.,
2. tabelu iz aplikacije eBudget (za osnovne škole, srednje škole, JU Djeca Sarajeva, organizacione jedinice Univerziteta u Sarajevu, ustanove kulture i ustanove socijale)
3. popratne tabele u excel formatu za sve budžetske korisnike
4. Dokument okvirnog budžeta Kantona Sarajevo 2023-2025.

S obzirom da će se izrada Budžeta Kantona Sarajevo za 2023. godinu vršiti u softverskoj aplikaciji eBudget, obavještavamo vas da je u istoj otvoren budžetski ciklus „Budžet Kantona Sarajevo za 2023. godinu“, te možete pristupiti izradi budžetskih zahtjeva.

Ministarstva koja u okviru svog razdjela imaju potrošačke jedinice (škole, ustanove kulture, ustanove socijalne zaštite itd.), obavezna su im proslijediti ovu obavijest, kao i objediniti zahtjeve i objedinjene dostaviti Ministarstvu finansija putem aplikacije eBudget i ovjerene u pisanoj formi.

Ukoliko postoji potreba za dodatnim sredstvima (iznad odobrenog limita) potrebno je u tabeli 12, koja je jedna od 12 tabela popratne dokumentacije, popuniti tražene podatke o čemu će se diskutovati na sastancima za izradu Budžeta Kantona Sarajevo za 2023. godinu i o čemu će konačnu odluku donijeti Vlada Kantona Sarajevo.

Osim navedenog potrebno je u popratnom aktu od strane 12 resornih ministarstava, prilikom dostavljanja budžetskog zahtjeva, dostaviti i spisak tekućih i kapitalnih transfera kao i spisak nabavke stalnih sredstava kao pozicija koje predstavljaju agregirane pozicije više projekata i aktivnosti kako bi Ministarstvo finansija nazive tih agregiranih pozicija uvrstilo u Zakon o izvršavanju Budžeta Kantona Sarajevo za 2023. godinu.

U skladu sa navedenim, molimo vas da vaše popunjene tabele u elektronskoj formi (putem aplikacije eBudget) i ovjerene u pisanoj formi dostavite Ministarstvu finansija najkasnije do **31. augusta 2022. godine**.

Dostavljanjem budžetskog zahtjeva u pisanoj formi Ministarstvu finansija do 31.08.2022. godine, poslije unosa zahtjeva u aplikaciju eBudget, smatrat će se da je ispunjena zakonska obaveza dostavljanja budžetskog zahtjeva.

S poštovanjem,



Pripremili: Nihad Kurtić, BA menadžmenta

Alma Zildžić, mr. oec.

Adin Šendro, mr. oec.

Kontrolisala: Amina Močević, mr. oec.